

歷代古人像贊

中

唐高祖

掃除亂畧海內咸服
太宗為子成功乃速



唐高祖

唐高祖姓李名淵字叔德隴西成
紀人祖虎佐周有戰功為上柱國封
唐國公帝襲封仕隋留守太原但
煬帝南巡不返天下大亂乃起義兵
立恭帝為大丞相封唐王尋稱帝
國號唐都長安在位九年壽七十

唐太宗

武功赫赫文德洋洋
比迹湯武庶幾成康



唐太宗

唐太宗皇帝高祖第二子名世民幼
日有書生見之曰龍鳳之姿天日之表
其年幾冠必能濟世安民書生去高
祖使人追之不見乃採其語為名年十
八舉義兵聰明英武有安天下之志
五載而成帝業史臣稱其除隋之亂
比適湯武致治之美庶幾成康自古功
德兼隆由漢以來未有也在位二十三
年壽五十一歲

武則天

屠虐宗支毒害忠良
攘竊神器淫機綱常



武則天

則天武氏名曌太原并州人荊州都督
武士彠之女年十四太宗聞其美召入後宮
貞觀十一年為才人賜號武媚侍太宗十
三年太宗崩年已二十六髡首為尼於感
業寺高宗詣寺行香見之被其蠱惑
命長髮復召入宮未幾大幸進位昭儀
自是傾陷王后與蕭妃正位中宮委以
政事僭位二十二年壽八十二唐之梟人
也

唐玄宗

前任忠諫後盡邪亮
靡不有初鮮克有終



唐玄宗

唐玄宗皇帝名隆基睿宗第三子初
為臨淄王韋氏之亂陰聚才勇之士誅
除韋氏奉睿宗即位封為平王尋為
太子受禪開元之初勵精圖治幾致太
平天寶以後奸臣擅權艷妃亂政至於
竄身失國而不知悔在位四十四年壽七
十八

唐憲宗

志平僭叛能用謀忠
剛明果斷卒收成功



唐憲宗

憲宗皇帝名純順宗長子年二十八
為太子監國尋即位剛明果斷志
平僭叛任用忠謀不惑羣議卒收
成功足為中興之主在位十五年壽
四十三

唐宣宗

沉斷明察吏民敬畏
無復仁恩衰唐元氣



唐宣宗

宣宗皇帝名怡憲宗第十三子性
嚴重寡言宮中以為不慧太和以後
益自韜晦羣居遊處未嘗發言武
宗崩為大叔監國接過羣僚裁決
庶務人始見其隱德焉在位十三年
壽五十

李後主

神器三傳煜乎不競
火德當天國已歸命



李後主

南唐李後主名煜其祖李昇徐州人徐溫養以為子名知誥晉高祖天福二年取吳據金陵僭稱帝傳至其子李璟璟卒煜立宋太祖開寶八年遣曹斌取之

宋太祖

諮達大度聰明神武
黃袍加身羣生鼓舞



宋太祖

宋太祖皇帝姓趙名匡胤宣祖第二子母杜太后其先涿人也相傳為漢京兆尹廣漢之後唐明宗天成二年丁亥生於洛陽夾馬營赤光滿室營中異香一月人謂之香孩兒營中周世宗為殿前都點檢使世宗崩恭帝幼冲中外物情皆有推戴之意顯德七年正月契丹入寇恭帝命太祖出師即日出愛景門晚至陳橋驛諸將士聚議相與扶出被以黃袍羅拜呼萬歲乃整軍而入恭帝遂禪位宋文公稱太祖不為言語文字之學而方寸之地正大光明真與堯舜之心合在位十七年壽五十